

橫渠易說目錄

橫渠易說目錄

橫渠易說提要

卷一 上經乾至離

卷二 下經咸至未濟

卷三 繫辭 說卦 序卦 雜卦

橫渠先生行狀

一〇二

七〇

三七

二

一

一

欽定四庫全書

經部
橫渠易說卷一

詳校官侍郎臣謝塘

通校司副校臣吳興業賈勛

總校官庶吉士臣何思鈞

校對官中書臣田尹衡

臚錄監生臣畢所辨

欽定四庫全書

經部一

橫渠易說目錄

易類

卷一

上經

卷二

下經

卷三

繫辭上

欽定四庫全書

橫渠易說
目錄

繫辭下

說卦

序卦

雜卦

臣等謹案橫渠易說三卷宋張載撰上經一

卷下經一卷繫辭傳以下至雜卦為一卷末

有總論十一則是書數之理傳尤簡往住經

文數十句中一無所說卷內遂不復全載經

欽定四庫全書

橫渠易說卷一

宋張載撰

上經

乾

乾元亨利貞

乾之四德終始萬物迎之不見其首隨之不見其後
然推本而言當父母萬物

明萬物資始故不得不以元配乾坤其偶也故不得

欽定四庫全書

不以元配坤

天下理得元也會而通亨也說諸心利也一天下之
動貞也貞者專靜也

不曰天地而曰乾坤言天地則有體言乾坤則无形
故性也者雖乾坤亦在其中

初九潛龍勿用九二見龍在田利見大人

大而得易簡之理當成位乎天地之中時舍而不受
命乾九二有焉及夫化而聖矣造而位天德矣則富

欽定四庫全書

為之詞已乾隆四十三年七月恭校上

總纂官臣紀昀臣陸錫熊臣孫士毅

總校官臣陸費輝

貴不足以言之

九三君子終日乾乾夕惕若厲无咎九四或躍在淵无咎

處陰故曰在淵

九五飛龍在天利見大人上九亢龍有悔用九見羣龍无首吉彖曰大哉乾元萬物資始乃統天雲行雨施品物流形大明終始六位時成時乘六龍以御天乾道變化各正性命保合大和乃利貞

欽定四庫全書

易

論語易說

二

雲行雨施散而无不之也言乾發揮偏被於六十四卦各使成象變言其著化言其漸萬物皆始故性命之各正惟君子為能與時消息順性命躬天德而誠之行也精義時措故能保合大和健利且正孟子所謂終始條理集大成於聖智者歟易曰大明終始六位時成時乘六龍以御天乾道變化各正性命保合大和乃利貞其此之謂乎

乾道變化各正性命此謂六爻言天道變化超時者

六爻各隨時自正其性命謂六位隨時正性命各有

一道理蓋為時各不同

首出庶物萬國咸寧

不一則乖競

象曰天行健君子以自強不息潛龍勿用陽在下也見龍在田德施普也終日乾乾反復道也

道行也所行即是道易亦言天行健天道也

或躍在淵進无咎也

欽定四庫全書

易

論語易說

三

或躍進退皆可在淵者性退也故指其極而言也

飛龍在天大人造也

乾之九五曰飛龍在天利見大人乃大人造位天德

成性躋聖者耳若夫受命首出則所性不存焉故不

曰位乎君位而曰位乎天德不曰大人君矣而曰大

人造也

成性則躋聖而位天德乾九二正位於內卦之中有

君德矣而非上治也九五言上治者通言乎聖人之

德聖人之性捨曰君而謂之天見大人德與位之者皆造也

至健而易至順而簡故其險其阻不可階而升不可逸而至仲尼猶天九五飛龍在天其致一也

亢龍有悔盈不可久也用九天德不可為首也文言曰元者善之長也亨者嘉之會也利者義之和也貞者事之幹也君子體仁足以長人嘉會足以合禮利物足以和義貞固足以幹事君子行此四德者故曰乾元亨利貞

欽定四庫全書

論語集注

仁統天下之善禮嘉天下之會義公天下之利信一天下之動

初九曰潛龍勿用何謂也子曰龍德而隱者也不易乎世不成乎名遯世无悶不見是而无悶樂則行之憂則違之確乎其不可拔潛龍也

孔子喜弟子之不仕蓋為德未成則不可以仕是行而未成者也故潛勿用龍德而未顯者也不成名不

求聞也養實而已樂行憂違不可與養德者語也用則行舍則藏惟我與爾有是夫顏子龍德而隱故遯世不見知而不悔聖與聖者同能

遯世不見知而不悔聖人不為沽激之行以求時知依乎中庸人莫能知以此自信不知悔也大而得簡易之理當成位乎天地之中時舍而不受命乾九二有馬及夫化而聖矣造而位天德矣則富貴不足以言之

欽定四庫全書

論語集注

樂則行之憂則違之主於吾志而已无所求於外故善世博化龍德而見也潛而未見則為已而已不暇及夫人者也

孟子不得已而用潛龍者也顏子不用潛龍者也孟子主教故湏說子宜好辯哉子不得已也

九二曰見龍在田利見大人何謂也子曰龍德而正中者也庸言之信庸行之謹閑邪存其誠善世而不伐德博而化易曰見龍在田利見大人君德也

庸言庸行蓋天下經德達道大人之德施於是者薄矣天下之文明於是著矣然非窮變化之神以時措之宜則或陷於非禮之禮非義之義此顏子所以求龍德而正中乾乾進德思處其極未敢以方體之常安吾止也

顏氏求龍德正中而未見其止故擇中庸得一善則拳拳服膺歎夫子忽焉前後也乾三四位遇中重剛時不可舍庸言庸行不足以濟之雖大人之盛有所

欽定四庫全書

論語集注

六

不安外趨變化內正性命故其危其疑艱於見德者時不得舍也九五大人化矣天德位矣成性聖矣故既曰利見大人又曰聖人作而萬物覩元龍以位畫為言若聖人則不失其正何亢之有德博而化言化物也以其善世即是化也善其身自化也兼善天下則是化物也知化則是德化聖人自化也化之況味在學者未易見焉但有此次序

九三曰君子終日乾乾夕惕若厲无咎何謂也子曰君

子進德修業忠信所以進德也脩辭立其誠所以居業也知至至之可與幾也知終終之可與存義也是故居上位而不驕在下位而不憂故乾乾因其時而惕雖危无咎矣

乾九三脩辭立誠非繼日待旦如周公不足以終其業

忠信所以進德學者止是一誠意耳若不忠信如何進德不驕德當至也不憂業當終也

欽定四庫全書

論語集注

七

適在不安之位故曰因其時

求致用者幾不可緩將進德者從義必精此君子所以立多凶多懼之地乾乾德業不少懈於趨時也知至極盡其所知也

九四曰或躍在淵无咎何謂也子曰上下无常非為邪也進退无恒非離羣也君子進德修業欲及時也故无咎

以陽居陰故曰在淵位非所安故或以躍德非為邪

故進退上下惟義所適惟時所合故曰欲及時也能如此擇義則无咎也

九四以陽居陰故曰在淵能不忘於躍乃可免咎非為邪也終其義也

九五曰飛龍在天利見大人何謂也子曰同聲相應同氣相求水流湓火就燥雲從龍風從虎聖人作而萬物親本乎天者親上本乎地者親下則各從其類也

谷神能象其聲而應之非謂能報以律呂之變也猶

欽定四庫全書

易經

卜筮叩以是言則報以是物而已易謂同聲相應是也王弼謂命呂者律語聲之變非此之謂也聖人作萬物親故利見大人

本乎天者親上本乎地者親下此一章止為飛龍在天而發龍虎水火之喻蓋明各逐一類去本在上者却上去本在下者却逐下德性本得乎天者今復在天是各從其類也

上九曰亢龍有悔何謂也子曰貴而无位高而无民賢

人在下位而无輔是以動而有悔也

亢而自喪之也

潛龍勿用下也見龍在田時舍也終日乾乾行事也或躍在淵自試也飛龍在天上治也亢龍有悔窮之災也乾元用九天下治也

居大中安止之地至于三四則不得所安也

聖人神其德不私其身故乾乾自強所以成之於天

耳

欽定四庫全書

易經

潛龍勿用陽氣潛藏見龍在田天下文明終日乾乾與時偕行或躍在淵乾道乃革飛龍在天乃位乎天德亢龍有悔與時偕極

顏子未成性是為潛龍亦未肯止于見龍蓋以其德其時則須當潛顏子與孟子時異顏子有孔子在可以不顯孟子則處師道亦是已老故不得不顯耳九二九三九四至上九皆是時也九四曰上下无常非為邪也進退无恒非離羣也君子進德修業欲及時

也此時可上可下可進可退非為邪也即是直也天道不越乎直直方大則不須習行之自无不利非為邪則是陽降庭止也進德修業欲及時即是无然畔援无然散美誕先登于岸也言无畔去亦无援引亦无欲向亦无美而不為誕知登于岸耳岸所處地位也此與進无咎同意惟志在位天德而已位天德大人成性也九三九四大體相似此二時處危難之大聖人則事天愛民不恤其他誕先登于岸九五大人

欽定四庫全書

卷一

十

造也造成就也或謂造為至義亦可大人成性則聖也化化則純是天德也聖猶天也故不可階而升聖人之教未嘗以性化責人若大人則學可至也位天德則神神則天也故不可以神屬人而言莊子言神人不識義理也又謂至人真人其辭險窄皆無可取孟子六等至於神則不可言人也上九亢龍緣卦盡而言須分初終終則自是亢極言君位則易有極之理聖人之分則安有過亢

易雖以六爻為次序而言如此則是以與要求也乾初以其在初處下況聖修而未成者也可止以居極位畫為亢聖人則何亢之有若二與三皆大人之事非謂四勝於三三勝於二五又勝於四如此則是聖可階也三四與二皆言所遇之時二之時平和見龍在田者則是可止之處也時舍時止也以時之和乎故利見不至於有害三四則皆時為難危又重剛又不中至九五則是聖人極致處不論時也飛龍在天

欽定四庫全書

卷一

十一

況聖人之至若天之不可階而升也大人與聖人自是一節妙處精義入神以致用也利用安身以崇德也以理計之如崇德之事尚可勉勉脩而至若大人以上事則无脩故曰過此以往未之或知言不可得而知也直待已實到窮神知化是德之極盛處也然而人為者不過大人之事但德盛處惟已知之默而成之不言而信不怒而威如此方是成就吾之所行大人之事而已故於此爻却說大人者與天地合其

欽定四庫全書

論語易說

三

德與日月合其明與四時合其序與鬼神合其吉凶
如此則是全與天地一體然不過是大人之事惟是
心化也故嘗謂大可為也大而化不可為也在然而
已蓋大人之事修而可至化則不可加功加功則是
助長也要在乎仁熟而已然而至於大以上自是佳
不得言在熟極有意大與聖難於分別大以上之事
如禹稷臯陶輩猶未必能知然須當皆謂之聖人蓋
謂所以接人者與聖同但己自知不足不肯自以為
聖如禹之德斯可謂之大矣其心以天下為己任規
模如此又克己若禹則與聖人直无間別孔子亦謂
禹於吾无間然矣久則須至堯舜有人於此敦厚君
子无少異聖人之言行然其心與真仲尼須自覺有
殊在他人則安能分別當時至有以子貢為賢於仲
尼者惟子貢則自知之人能以天為心常以聖人之
規模為己任久於其道則須化而至聖人理之必然
如此其大即是天也又要細密處行之并暗陳不欺

欽定四庫全書

論語易說

三

若心化處則誠未易至孔子猶自謂若聖與仁則吾
豈敢懷曰吾聖矣則人亦誰能知故曰知我者其天
乎然則必九五言乃位乎天德蓋是成聖實到也不
言首出所性不存焉其實天位也不曰天位而曰天
德言德則德位皆造故曰大人造也至此乃是大人
之事畢矣五乾之極盛處故以此當聖人之成德言
乃位即是實到為己有也若由思慮勉勉而至者止
可言知不可言位也乃位則實在其所矣大抵語勉
勉者則是大人之分也勉勉則猶或有退步不勉勉
斯退矣所以須學問進德修業欲成性也成性則從
心皆天也所以成性則謂之聖者如夷之清惠之和
不必勉勉彼一節而成性若聖人則於大以成性
剛健故應乎天文明故時行

乾二五皆正中之德五則曰大人造也又曰聖人作
而萬物覩大人而升聖乃位乎天德也不言帝王而
言天德位不足道也所性不存焉潛龍自是聖人之

德備具但未發見

見龍成性至飛龍則位天德

乾元用九乃見天則乾元者始而亨者也利貞者性情也

利貞者性情也以利解性以貞解情利流通之義貞者實也利快利也貞實也利性也貞情也情儘在氣之外其發見莫非性之自然快利盡性所以神也情則是實事喜怒哀樂之謂也欲喜者如此喜之欲怒者如此怒之欲哀樂者如此樂之哀之莫非性中發出實事也

欽定四庫全書

卷一

十四

乾始能以美利利天下不言所利大矣哉大哉乾乎剛健中正純粹精也六爻發揮旁通情也

剛健中正中爻之德

剛健中正純粹精也主以中正為精也六爻發揮言時各異旁通情也情猶言用也六爻擬議各正性命其乾德旁通不失大和而和且正也

時乘六龍以御天也雲行雨施天下平也君子以成德為行日可見之行也

成德為行德成自信而不疑所以日見于外可也潛之為言也隱而未見行而未成是以君子弗用也君子學以聚之問以辯之寬以居之仁以行之

君子之道成身成性以為功者也未至於聖皆行未成之地耳顏子之徒隱而未見行而未成故曰吾聞其語矣未見其人也龍德而隱聖修而未成者也非如學者之未成凡言龍喻聖也若顏子可以當之雖伯夷之學猶不可言龍龍即聖人之德顏子則衛正也

欽定四庫全書

卷一

十五

易曰見龍在天利見大人君德也九三重剛而不中上不在天下不在田故乾乾因其時而惕雖危无咎矣九四重剛而不中上不在天下不在田中不在人故或之或之者疑之也故无咎此以六畫分三才也以下二畫屬地則四達於地故

言中不在人若三則止言不在天在田而已

夫夫人者與天地合其德與日月合其明與四時合其序與鬼神合其吉凶先天而天弗違後天而奉天時天且弗違而況于人乎況于鬼神乎亢之為言也知進而不知退知存而不知亡知得而不知喪其唯聖人乎知進退存亡而不失其正者其唯聖人乎

浩然無間則天地合德照无偏係則日月合明天地同流則四時合序酬酢不倚則鬼神合吉凶

欽定四庫全書

卷一

十六

天地合德日月合明然後能无方无體然後无我先後天而不違順至理以推行知无不合也雖然得聖人之任皆可勉而至猶不害於化育

坤

坤元亨利牝馬之貞君子有攸往先迷後得主利西南得朋東北喪朋安貞吉

以西南為得朋乃安貞之德也以東北為喪朋雖得主有慶而不可懷也西南土之位東北木之位也

西南得朋東北喪朋江沱之間有嫡不以其媵備數

是不能喪朋也媵遇勞而无怨却是能喪朋者其卒

嘯也歌是乃終有慶也此婦人之敬大者也西南致

養之地東北反西南者也陰陽正合則陰相對者必

陽也西南得朋是始以類相從而來也東北喪朋喪

朋相忘之義聽其自治不責人不望人是喪其朋也

喪朋則有慶也江有沱有汜有渚皆是始離而終合

之象也有嫡不以其媵備數是不能喪朋媵遇勞而

欽定四庫全書

卷一

十七

无怨是能喪朋也以其能喪朋故能始離而終合之子歸自嫡也不我以不我與不我遇皆言其始之不均一也其後也悔嫡自悔也處既安既處之處也始離而終既處也歌是乃終有慶慶則同有慶

象曰至哉坤元萬物資生乃順承天坤厚載物德合无

疆含弘光大品物咸亨牝馬地類行地无疆柔順利貞

君子攸行先迷失道後順得常

坤先迷不知所從故失道後能順聽則得其常矣

西南得朋乃與類行東北喪朋乃終有慶安貞之吉應地无疆象曰地勢坤君子以厚德載物初六履霜堅冰至象曰履霜堅冰陰始凝也馴致其道至堅冰也六二直方大不習无不利象曰六二之動直以方也不習无不利地道光也

地道之有孚者故曰光也

六三含章可貞或從玉事无成有終象曰含章可貞以時發也或從玉事知光大也

欽定四庫全書

易經

六

六三以陰居陽不獨有柔順之德其知光大含章文
明可從玉事者也然不可動以躁妄故可靜一以俟
時不可有其成功故无成乃有終也

六四括囊无咎无譽象曰括囊无咎慎不害也六五黃
象元吉象曰黃裳元吉文在中也上六龍戰于野其血
玄黃象曰龍戰于野其道窮也用六利永貞象曰用六
永貞以大終也文言曰坤至柔而動也剛至靜而德方
後得主而有常含萬物而化光坤道其順乎承天而時

行

效法故光

屈伸動靜終始各自別今以剛柔言之剛何嘗无靜
柔何嘗无動坤至柔而動也剛則柔亦有剛靜亦有
動但舉一體則有屈伸動靜終始乾行不妄則坤順
必時也

積善之家必有余慶積不善之家必有余殃

餘慶餘殃百祥百殃與中庸必得之義同善者有後

欽定四庫全書

易經

十九

不善者无後理當然其不然者亦恐過晚中間譬之
瘠之或秀腴之或不秀然而不直之生也幸而免遇
外物大抵適然耳君子則不恤惟知有義理

臣弑其君子弑其父非一朝一夕之故其所由來者漸
矣由辯之不早辯也易曰履霜堅冰至蓋言順也直其
正也方其義也君子敬以直內義以方外

敬以直內則不失於物義以方外則得已敬義一道
也敬所以成仁也蓋敬則實為之實為之故成其仁

敬義立而德不孤直方大不習无不利則不疑其所行也陰雖有美舍之以從王事弗敢成也地道也妻道也臣道也地道无成而代有終也天地變化草木蕃天地閉賢人隱易曰括囊无咎无譽蓋言謹也君子貴中通理正位居體美在其中而暢於四支發於事業美之至也陰疑於陽必戰為其嫌於无陽也故稱龍馬猶未離其類也故稱血馬夫玄黃者天地之雜也天玄而地黃

正位居體所以應黃裳之美

欽定四庫全書

易經

示

屯

屯元亨利貞勿用有攸往利建侯象曰屯剛柔始交而難生動乎險中大亨貞雷雨之動滿盈天造草昧宜建侯而不寧

往則失其居矣

象曰雲雷屯君子以經綸

雲雷皆是氣之聚處屯聚也

初九磐桓利居貞利建侯象曰雖磐桓志行正也以貴

下賤大得民也

磐桓猶言柱石磐磐石也桓桓柱也謂利建侯如柱

石在下不可以動然志在行正也

六二屯如遭如乘馬班如匪寇婚媾女子貞不字十年

乃字象曰六二之難乘剛也十年乃字反常也

班布不進之貌

六三即鹿无虞惟入于林中君子幾不如舍往吝象曰

即鹿无虞以從禽也君子舍之往吝窮也

欽定四庫全書

易經

五

處非其地故曰入于林中虞防禁也二以乘剛有寇

故五若可親五屯其膏故不若捨之

六四乘馬班如求婚媾往吉无不利象曰求而往明也

九五屯其膏小貞吉大貞凶象曰屯其膏施未光也上

六乘馬班如泣血漣如象曰泣血漣如何可長也

待求而往

蒙

蒙亨匪我求童蒙童蒙求我初筮告再三瀆瀆則不告

利貞

禮聞取道義於人不聞取其人之身來之為言屬有道義者謂之來來學者就道義而學之往教者致其人而取教也童蒙求我匪我求童蒙是也

教人當以次守得定不妄施易曰初筮告再三瀆瀆則不告是剛中之德也

彖曰蒙山下有險險而止蒙

險而止蒙蒙亨以亨行時中也夫險而不止則入于

欽定四庫全書

易經

三

坎入于蹇不止則是安其危之類也以其知險而止也故成蒙之義方以有求童蒙求我匪我求童蒙以蒙而求故能時中所以亨也

人心多則无由光明蒙雜而著著古有字雜者於物所以為蒙蒙昏蒙也

蒙亨以亨行時中也匪我求童蒙童蒙求我志應也初筮告以剛中也再三瀆瀆則不告瀆蒙也蒙以養正聖功也彖曰山下出泉蒙君子以果行育德

時之義甚大如蒙亨以亨行時中也者蒙何嘗有亨

以九二之亨行蒙者之時中故蒙所以得亨也蒙无遽亨之理以九二循行時中之亨也蒙卦之義主之者全在九二彖之所論皆二之義教者但觀蒙者時之所及則道之此是亨行時也此時也正所謂如時雨化之如既引之中道而不使之通則是教者之過當時而道之使不失其正則是教者之功養其蒙使正者聖人之功也

欽定四庫全書

易經

三

初六發蒙利用刑人用說桎梏以往吝象曰利用刑人以正法也

以柔下賢居於坎陷然无所私係用心存公雖不能論人於道以辨曲直正法可也善行法者多說於任刑道非弘矣故以往吝故君子哀矜而勿喜也

故一作終

九二包蒙吉納婦吉子克家象曰子克家剛柔接也

擇婦而納之則吉
九二以下卦之中主卦德故曰子克家以子任家必

剛柔得中乃濟不可嚴厲也

六三勿用取女見金夫不有躬无攸利象曰勿用取女行不順也

金夫二也不有躬履非正則不能固於一也

六四困蒙吝象曰困蒙之吝獨遠實也六五童蒙吉象曰童蒙之吉順以巽也

不應不信蒙之失正者也故蒙正如童吉與吝之義同

上九擊蒙不利為寇利禦寇象曰利用禦寇上下順也

欽定四庫全書

卷一

五

蒙暗犯寇禦之可也以剛明極顯而寇蒙暗則傷義而衆不率也九二以剛居中故能包蒙而吉

需

需有孚光亨貞吉利涉大川

剛健而不陷而能俟時故有孚於光亨也

訟需坎皆言有孚必然之理也又如未濟飲酒濡首亦言有孚義同此

象曰需須也險在前也剛健而不陷其義不困窮矣需

有孚光亨貞吉位乎天位以正中也利涉大川往有功也象曰雲上於天需君子以飲食宴樂

雲上於天需君子以飲食宴樂九五需于酒食貞吉未濟亦有孚于飲酒以陰在前无所施為惟於飲食而已

初九需于郊利用恒无咎象曰需于郊不犯難行也利用恒无咎未失常也九二需于沙小有言終吉象曰需于沙行在中也雖小有言以吉終也九三需于泥致寇

欽定四庫全書

卷一

五

至象曰需于泥災在外也自我致寇敬慎不敗也六四需于血出自穴象曰需于血順以聽也

以柔居陰不能禦強來則聽順而辟其路

九五需于酒食貞吉象曰酒食貞吉以中正也上六入于穴有不速之客三人來敬之終吉象曰不速之客來敬之終吉雖不當位未大失也

上无所出故降入自穴恭以納之雖處極上不至於失

訟

訟有孚室惕中吉終凶利見大人不利涉大川象曰訟上剛下險險而健訟訟有孚室惕中吉剛來而得中也終凶訟不可成也利見大人尚中正也不利涉大川入于淵也象曰天與水違行訟君子以作事謀始初六不永所事小有言終吉象曰不永所事訟不可長也雖小有言其辯明也

初於正應中有陰陽之閒不无訟但以陰居下體為

欽定四庫全書

易經

卷二

柔順履險方初不永所事其理辨直故小有言終吉

直一作正

九二不克訟歸而逋其邑人三百无青象曰不克訟歸逋竄也自下訟上患至掇也

處險體剛好訟者也上下二陰俱非已應理為不直故不訟歸而逋竄使其邑人之衆无辜被禍故曰邑

人无青

六三食舊德貞厲終吉或從王事无成象曰食舊德從

上吉也

履非其位處險之極若能不為他累專應上九則雖危終吉故曰舊德以陰居陽又處成功必有悔吝故曰无成

九四不克訟復即命渝安貞吉象曰復即命渝安貞不失也九五訟元吉象曰訟元吉以中正也上九或錫之鞶帶終朝三褫之象曰以訟受服亦不足敬也

體健而比於三理為不直故不克訟

欽定四庫全書

易經

卷二

師

師貞丈人吉无咎

丈人剛過太公近之剛正剛中則是大人聖人得中道也太公則必待謀紂時維鷹揚所以為剛過不得稱大人

象曰師衆也貞正也能以衆正可以王矣剛中而應行險而順以此毒天下而民從之吉又何咎矣象曰地中有水師君子以容民畜衆初六師出以律否臧凶象曰

師出以律失律凶也

師出以律師之始也體柔居賤不善用律故凶

九二在師中吉无咎王三錫命象曰在師中吉承天寵也王三錫命懷萬邦也

懷愛萬邦故所以重將帥

六三師或輿尸凶象曰師或輿尸大无功也

陰柔之質履不以正以此帥衆固不能一師丈人吉

非陰柔所禦

欽定四庫全書

易經

卷之三

六四師左次无咎象曰左次无咎未失常也

次之不戰之地則不失其常

六五田有禽利執言无咎長子帥師弟子與尸貞凶象

曰長子帥師以中行也弟子與尸使不當也

柔居盛位見犯乃較故无咎任寄非一行師之凶也

上六大君有命闢國承家小人勿用象曰大君有命以正功也小人勿用必亂邦也

師終必推賞然小人雖有功不可胙之以土長亂也

承猶繼世之承也

比

比吉原筮元永貞无咎不寧方來後夫凶象曰比吉也
比輔也下順從也原筮元永貞无咎以剛中也
不寧方來上下應也後夫凶其道窮也象曰地上有水比先王
以建萬國親諸侯

必原筮者慎所與也

初六有孚比之无咎有孚盈缶終來有它吉象曰比之

初六有它吉也

柔而无應能擇有信者親之己之誠素著顯終有它
吉比好先也

六二比之自內貞吉象曰比之自內不自失也

愛自親始人道之正故曰貞吉

六三比之匪人象曰比之匪人不亦傷乎

履非其正比之必匪其人故可傷

六四外比之貞吉象曰外比於賢以從上也九五顯比